

隆昌縣志卷二十九

忠義

論語云臣事君以忠蓋必深明夫大義而後忠君愛國不苟且偷生私阿取容也隆邑墨香溪水之濱人秉樓峯之秀匪直仲連以不屈金將而舍生負胆以不朽於賊而著名即鄉閭畸士或激發以成義舉或慷慨以藥施濟高風英概俱可錄之以爲一邑風也志忠義

宋郝仲連建炎時爲防禦節制河東金將婁室以重

隆昌縣志

卷十九

忠義

兵壓河中仲連力戰外援不至度不能守先殺其家人城陷與其子致厚皆不屈而死贈觀察使

明唐太湖素尚義隆慶初邑大旱民饑盜起太湖輸穀賑貸全活甚衆事聞勅建義民坊旌之

郭繼隆字恩道由瀘州庠生入太學歲凶出穀平糶施藥餌義棺建義塚五百餘修鎖江橋振鱗橋以利行人又因建義助征奢賊功授叙南衛指揮僉事予世襲以繼子運昭貴加贈威武將軍

郭運昭字負胆號獻君元柱孫繼昌子爲繼隆後

崇禎己卯舉人任麗水令未期年利興弊磔御史薦於朝處以臺省後抵貴州滄潭因僑焉時流賊餘黨孫可望據黔索明臣不附已者又徙辟萬縣賊黨張虎至夔州執暄送可望暄終不屈乃釋之永歷時以暄爲先朝舊臣不污於賊擢大理寺左評事李定國以擁戴功怙勢擅權屢興大獄暄憑法執諍棘棘不阿定國數銜之我

朝順治十四年 王師定雲南經畧洪承疇暄季父同年友也欲薦暄以老病辭歸自號疑始道人著

隆昌縣志

卷五

忠義

二

參同契悟真篇定義金永返還大丹口訣等書疑始道人詩文集

劉 茲邑諸生明末爲張獻忠賊兵所殺

范 璵邑廩生妻胡氏賊亂抱幼女逃被掠不屈俱死

郭 珏字世安邑名士獻賊入蜀被執大罵不屈其女亦同行被執欲犯之罵賊益厲俱遇害

郭也平邑廩生與弟也彥俱被賊擄不屈賊令負米至營死不從賊以所佩刀亂打強之強至西壩

之遼葉潭岩上兄弟齊投水死

郭時亨字靖海甲申寇亂擄時亨欲用之時亨曰
吾族世號忠良豈與賊黨爲徒耶遂被殺

李師聖由舉人歷大同推官廉靜愛民明末賊陷
大同聖率家殉難

彭大貴邑貢生好施與明末邑大饑大貴廣賑貸
全活甚衆時川撫某欲入告大貴固辭暮年閉戶
琴書自樂邑孝廉唐德一爲之傳

程富崇禎時穎薊遼鎮爲游擊累遷南直隸總

隆昌縣志

卷三九

忠義

三

兵官悉心訓練甲申某月日聞李賊入京之變北
向號哭曰食君之祿未獲共君之難偷生奚爲手
劍自刎死

程奇富弟古北口守備李賊據宣大窺奇率所
轄兵邀其後孤軍全沒身被百刃死

董興賢字子能由湖廣宜章入籍隆昌兄弟八人
悉與以田宅鄉閭中貧乏者濟之游惰者規之施
棺木於貧不能葬者有古人風

彭惕字汝敬歲貢生薦辟爲資陽縣二學司訓

前貴州銅仁府推官兵燹後邑中士女化離惕多
所培護

鍾馨字明德歲貢生歷任南充溫江儒學品行
端方雅好施與道光六年倡修邑考棚工堅費約
十四年署溫江時捐五十金修啟聖宮又捐六十
金培葺文昌武聖兩宮及古蘇坡礮溫人德之懸
匾鐫碑以誌不朽

藍秀春監生性友愛事父母曲盡孝道母沒奉繼
母亦得歡心伯母家貧孀居常按月供給以終其

隆昌縣志

卷五

忠義

四

年咸豐甲寅乙卯薦饑邑令 肅公倡募平糶命
春辦理春捐給公濟不惜財力復私捐米於周興
場石研山平糶全活甚衆閣邑升合差糧無力完
納者捐貲代完益無德色事聞 督憲贈匾曰誼
篤桑梓其平日助婚嫁施棺木置義塚種種善舉
指不勝計人咸稱之

陳以遵邑宿儒世居西鄉龍市鎮兄弟四人遵居
季生平沉靜寡言笑咸豐庚申歲滇賊擾境至市
強遵從行遵執不屈賊逼甚遵正色罵曰吾先世

以來爲清朝二百數十年清白良民豈從賊耶時
遵長兄以達亦被執賊命達勸之遵曰賊能釋我
則歸否則有死而已遂遇害

耿光宣字輔臣咸豐壬子科副榜世居隆進士履
端長孫經文緯武名震一時爲人倜儻卓犖有遠
志以夙慧九歲能文坎軻幾廿載始博一衿因得
熟韜鈴精武技中副車後游豫章厯郭彭澤屈貴
溪幕府終膺鄧廉訪檄聘爲曾欽使麾下管領一
軍受任年餘先後七十戰戰皆勝六年丙辰以攻

隆昌縣志

卷五

忠義

五

取撫州中流礮遇害奏聞照同知例卹廕曾欽使
撫棺痛哭倡助募貲遣同里許海珊護柩歸徵其
行事至豫章特爲作傳稿未到無由據採堂弟光
祐爲之傳見藝文鄧廉訪喬梓龍孝廉高孝廉各
有詩哀輓附傳後

許海珊拔貢乃昭胞弟游豫章依戚郭彭澤後從
耿光宣勦賊以戰績記名六品軍功光宣歿後海
珊奉欽使命不辭數千里護柩三閱月歸里其所
贈賻黃金百白金千暨生前來往聘札歿後哀輓

詩文織芥悉交光
宣胞第光貞手富屬童家寺栗
砦聘徃教習練丁咸豐庚申秋擊賊被殺

隆昌縣志

卷三

忠義

六

殉難義民

陳明新監生以達孫少孤依祖幼慧過人咸豐庚申夏以達命入城避賊既行念祖在家恐遇害急歸被縛不屈時年十五賊異年幼不凡強之從逼至再三終不屈竟被殺以達以此成疾而亡

張崇德監生爲礪石山團首咸豐辛酉秋同子樹華擊賊於椽子坳摧堅搗銳轉戰不竭連劈老賊二名戰火失腳爲賊所殺子樹華奔急父難斃賊甚衆力竭亦被害事見戎事傳

隆昌縣志

卷五

義民

七

鄧忠厚郡庠生忠國兄少讀書明大義咸豐己未秋滇匪寇郡邑令肅公嚴防衛之設以敦義團屬厚管帶庚申六月賊至礪石山厚從肅公率師督勦賊衆我寡肅公遇害厚謂同人曰爲人不死君父之難非知義者也與賊力戰格殺數人而死其弟忠卿見厚死急赴兄難有挽之避者卿叱曰吾兄旣死難吾何得生還轉與賊鬪亦殺數人而死事見戎事傳

段連城邑監生南鄉驪子灘人咸豐庚申冬賊至

境被執脅降不屈罵賊遇害其子貴瀛奔救身受
鱗傷頸後被斫寸許頭覆仆地賊意其死棄去戚
某過聞呻吟聲返頭合頸負歸醫治得不死死天
佑也

梁世芳梁家勳黃開泰邑南鄉人統團勇拒賊屢
有殺獲邑令 肅公甚喜之旋命率眾同赴礪石
山勦賊 肅公遇害三人與之俱亡事見戎事傳
陳世勳南鄉人年二十精武藝庚申夏礪石山之
役因父思茂爲甲長挺身代勞鎗斃二賊後眾潰

隆昌縣志

卷五

義民

八

勳以子蒞未罄殿軍返擊爲賊所殺

葉發生南鄉人傭工自給庚申夏賊至礪石山肅
公親臨督勦有近團助戰發生念主人力弱執戈
代勞臨敵趨衛中軍竟殉肅公之難

曾長禎南鄉人以庚申夏礪石山之役長禎因父
爲甲長挺身代勞奮力併勦軍敗爲賊所擒逼降
不屈被殺

鄧先陞辛酉春賊至蔣家橋奮勇堵勦被殺

陳崙山增生廷瑞弟庚申冬賊至崙山擲以瓦石

罵不絕口爲賊所戕臘月賊復至其母劉氏哭罵不已亦被殺聞者哀之

賀顯鄉邑監生成章子被賊執不屈見殺弟顯由因潛逃亦被殺卿妻陳氏負幼子同弟媳幸氏王氏投塘賊去鄰人救甦由妻余氏爲賊逼投穢池中獲免一門兄弟夫婦死者不黨賊生者能以烈全隆人稱之

楊秀珍楊秀琨陳尙選年皆七十有餘素行公正遇賊不屈俱被害

隆昌縣志

卷五

義民

九

薛殿邦職員西鄉人年近七十爲人忠直遇賊不屈被害

陳光耀監生北鄉團首辛酉九月率團於黃家場禦賊接戰被害

馬祖恩北鄉人年四十八九月賊至黃家場問團往禦祖恩在營經紀錢米衆潰賊衝逐祖恩慮團軍乏用重負奔走爲賊所獲剖心抽腸而死收尸時諸簿記猶在懷中

鍾成棟北鄉團總光廷之子辛酉九月賊至成棟

隨父出勦臨戰光廷命走避成棟曰父在子何敢去遂挺身向前殺斃數賊戰久力怯爲賊所殺

陳能文礪石山團勇年二十有武藝辛酉九月黃家塲之戰能文矛斃多賊賊衆撲至被殺

僧贊揚天峯寺住持嫻習武藝賊至礪石山手提月斧率衆大呼入陣截賊首級二顆拋擲墜地挺身復鬪冒入重圍戰久力怯被殺

張維清監生年近七旬姪孫某曾生擒賊魁正法賊黨索某不得縛維清殺之臨死猶罵賊不屈

隆昌縣志

卷五

義民

十

謝文聰太平舖人因姪投賊聰捕而活埋之賊聞其事率衆縛聰至巢聰罵曰吾甯死爲清白民不肯生爲害人賊賊磔殺之後其子章洪等圖報父仇奮勇殺賊給六品軍功

彭裕綸黃家塲人年二十九膽氣過人辛酉九月賊至觀音巖諸團出堵以行營重件屬綸賊突衝上綸厲色端坐賊縛至牛佛渡逼降不從罵賊而死

雷正星黃家塲人年六十素性忠實辛酉九月賊

至閣圍迎擊正星留營造飯衆潰賊衝追正星負
甌奔其姪某請棄之正星曰食衆所賴也無食何
以力戰追殺之收尸時甌猶負身見者爲之嘆息
艾萬棟北鄉人年六十有餘九月賊至因年老不
能力戰爲團營造飯遇賊不屈被殺

李榮山北鄉人年二十善觀礮辛酉九月黃家場
之役與賊戰於風了口礮轟老賊二名軍敗爲賊
所殺

劉永祥年八十五西鄉甲長因姪孫從賊祥欲捕

隆昌縣志

卷五

義民

十一

送正法其姪孫聞知引賊焚祥屋縛祥殺之

曾伯鎔辛酉九月爲賊所擒不從被殺

曾昭淮在家侍調母病賊至不從被殺

葉景秀庚申六月賊至不從被殺

常元山東人長於武藝在邑署教習練勇咸豐庚
申夏賊至礮石山 肅公率師督勦元作保衛賊
攻中軍元力救斃十數賊旋以軍敗與劉杰何才
彭壽集殉主難並見戎事